

Գ Է Ո Ր Գ Ե Պ Ի Ս Կ Ո Պ Ո Ս Ե Ի Գ Ո Կ Ի Ա Յ Ի

1759—1765

Եւզոպիացի Գէորգ Եպ.ի մասին շատ քիչ բան ծանօթ է. հազիւ Եպիսկոպոսական կարգ աննելէն ետեւ կը ծանօթանայ: Այս ծանօթութեանց աղբիւրն է Էջմիածնի Սիմէոն կաթողիկոսին Յիշատակարանը, զոր կազմած է Յովհ. դպիր (1765ին Սարկաւազ՝ Իսահակ անուամբ, իսկ յետոյ Եպիսկոպոս) Գեղամացի կամ Գեօղարբունիքցի, Սիմէոն կաթողիկոսի աշակերտն ու քարտուղարը: Յիշատակարանս ըստ մասին հրատարակուած է Սիմէոնի Զատըռն անուն գրքին մէջ (Վղորշպտ. 1873, հմմտ. էջ 40—1, 247). իսկ ըստ մեծի մասին հրատարակած է Գիւտ քհն. Աղանեանց (Դիւան Հայոց Պատմութեան, Գիրք Գ. Թիֆլ. 1894):

Սահակ ԱՏագին Էջմիածնի կաթողիկոս ընտրուելէն ետեւ (20 Յունիս 1756), չուզեց Էջմիածին երթալ, այլ ի կարին կը նստէր տարիներով: Կ Պոլսոյ ազգայինք անոր տեղ 1759ին ընտրեցին Շամախեցի Յակոբ Ա.ը (1759—1763 Մարտ 21 †):